

En recoñecemento ao labor do noso compañeiro Manuel Siota López (falecido en agosto de 1992), e á súa dedicación na mellora da nosa profesión, a Xunta Rectora do COPG decidiu en 1995 crear unha beca de investigación en Psicoloxía que leve o seu nome.

Por acordo da Xunta de Goberno do 21 de decembro de 2018 convócase a

XI EDICIÓN DA BECA SIOTA DE INVESTIGACIÓN EN PSICOLOXÍA

BASES

O Colexio Oficial de Psicoloxía de Galicia, co obxecto de fomentar a realización de estudos e investigacións, convoca concurso público para a adxudicación dunha beca de investigación de acordo coas seguintes bases:

Primeira. Poderán optar a esta beca os colexiados e colexiadas no Colexio Oficial de Psicoloxía de Galicia.

Quedan excluídos desta convocatoria os membros da Xunta de Goberno, os membros de Xuntas Directivas das Seccións e os membros do Comité Seleccionador.

Segunda. Os proxectos de investigación propostos serán orixinais e deberán axustarse a unha área aplicada da Psicoloxía.

Considerarase como mérito especial que os proxectos de investigación supoñan un afondamento no coñecemento e transformación da realidade de Galicia.

Terceira. O proxecto seleccionado deberá realizarse nun prazo máximo de dous anos.

Cuarta. A dotación orzamentaria da Beca de Investigación corresponderase co 100% do orzamento presentado na memoria económica á que fai referencia a base décimo terceira, e non poderá superar os 6000 euros.

O abono do importe das axudas tramitarase en dous prazos :

- O primeiro, do 50% do total, ao comezo do traballo.

- O segundo, do 50% restante, ao comezo do segundo ano, quedando vinculado á valoración positiva do seguimento da investigación no seu primeiro ano.

Quinta. Non serán admitidas as solicitudes de axuda para aqueles proxectos que incorran nalgunha das seguintes situacións :

- a) Estar subvencionados total ou parcialmente por outro organismo público ou privado.
- b) Ter sido realizados con anterioridade á publicación da presente convocatoria.

Sexta. As solicitudes deberán conter a seguinte documentación :

- a) Fotocopia do DNI.
- b) Solicitude segundo modelo ANEXO I.
- c) Memoria descritiva do proxecto de investigación, cunha extensión máxima de 10 páxinas, segundo o modelo indicativo ANEXO II.
- d) Currículo de méritos académicos e profesionais.

Sétima. O prazo de presentación das solicitudes e documentación requiridas rematará o **22 de marzo de 2019** e deberán ser presentadas no Colexio Oficial de Psicoloxía de Galicia (Rúa Espiñeira, 10 - baixo 15706 Santiago de Compostela) ben directamente no rexistro ou ben enviada por correo certificado ou por correo electrónico (copgalicia@copgalicia.gal), coa indicación de "**Beca Siota de Investigación en Psicoloxía**".

Oitava. Os proxectos serán avaliados por un Comité Seleccionador composto por :

- A/o decana/o do Colexio Oficial de Psicoloxía de Galicia (ou persoa en quen delegue).
- A/o secretaria/o do Colexio Oficial de Psicoloxía de Galicia. Con voz pero sen voto.
- 5 vogais designados pola Xunta de Goberno.

A proposta de concesión da beca será adxudicada por maioría absoluta. A decana disporá de voto de calidade.

Novena. Á vista dos proxectos presentados, o Comité Seleccionador poderá optar entre a adxudicación da axuda a un dos proxectos concursantes ou declarar deserta a beca.

Décima. A resolución da adxudicación da beca tomarase no prazo máximo dun mes, contando desde o remate do prazo de presentación de solicitudes. A resolución

comunicarase persoalmente á beneficiaria ou beneficiario e publicamente a través das canles de comunicación habituais do Colexio Oficial de Psicoloxía de Galicia.

Undécima. A documentación dos proxectos que non resulten seleccionados estará a disposición das e dos concursantes para que poidan retirala nos 30 días naturais seguintes á resolución do concurso. Transcorrido este prazo o Colexio Oficial de Psicoloxía de Galicia decidirá libremente o destino da documentación non retirada.

Duodécima. Co obxecto de realizar un seguimento do desenvolvemento do traballo, o Comité solicitará, ao rematar o primeiro ano de disfrute da beca, un informe sobre o estado da investigación, resultados parciais acadados e anticipación dos definitivos.

Á reunión valorativa do Comité Seleccionador poderá convocarse á persoa beneficiaria, para solicitar as aclaracións que se consideren oportunas sobre o informe.

Décimo terceira. Dentro do prazo fixado para o financiamento da investigación, o adxudicatario ou adxudicataria da beca deberá presentar no Colexio Oficial de Psicoloxía de Galicia unha Memoria da investigación xunto cun extracto ou resumo da mesma. A memoria terá unha extensión mínima de 100 folios DIN A4 escritos a dobre espazo, dos que un mínimo de 10 recollerán as principais conclusións da investigación realizada. Así mesmo, deberá achegar unha memoria económica dos gastos ocasionados e unha xustificación que acredite a orixinalidade e aplicabilidade práctica do proxecto.

Décimo cuarta. O Colexio Oficial de Psicoloxía de Galicia resérvase, mencionando á autora ou ao autor, a facultade de publicar e difundir, por calquera medio, os traballos presentados na opción idiomática que considere oportuna. A aceptación da axuda implica a cesión dos dereitos de autor ao Colexio, quedando da súa exclusiva propiedade o material documental obtido no curso da investigación.

Non obstante, no caso de que non se publique o traballo polo Colexio, poderá autorizar ao autor ou autora a publicalo, debendo mencionar expresamente a axuda recibida. Esta mención deberá aparecer, do mesmo xeito, en calquera outra publicación total ou parcial do traballo autorizado para a súa publicación.

Decimo quinta. As persoas participantes, polo feito de selo, enténdese que aceptan en todos os seus puntos as presente bases, así como os acordos do Comité Seleccionador.

Décimo sexta. As decisións de carácter técnico ou científico adoptadas polo Comité Seleccionador non serán obxecto de recurso.

Os actos administrativos derivados do desenvolvemento do presente concurso público poderán ser recorridos nos termos e prazos previstos na lexislación vixente.

Décimo sétima. O incumprimento dalgunha das obrigas contidas nas bases anteriores poderá dar lugar á reclamación por vía legal das cantidades xa percibidas.